



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 9. Gesta sub Ioanne Oïola Proprætore usque ad ejus necem.

**urn:nbn:de:hbz:466:1-38528**

**I**NTEREA Joannes Oiola proprætor eodem itinere, quo olim Gavotus, cum aliquot navibus in Paraquarium penetrans, cognito inter Austrum & Occidentem partim fluviali, partim terrestri itinere, regionem auri argentiique feracem adiri posse, eòire constituit. Abiens Dominico Irala, cui suas vices commiserat, in mandatis dat, ut per sex menses redditum suum in superiori Paraquarii parte præstoleretur: si intra id tempus non rediret, jussu absolum iri. Absente Oiola Salazarius & Gonsalvus Mendoça ex portu Boni-aëris annona ergo in Paraquarium etiam nava gantes, cum Guaranis populis amicitia contracta, locum reperere condenda arcu maximè opportunum: partitisque inter se officiis Gonsalvus Mendoça arcem Virgini in cælum Assumptæ consecratam ibi construxit, ubi nunc eodem nomine Assumptionis urbs Paraquaria caput visitur: Salazario interim tabidos milites & fame pñè confectos ex portu Boni-aëris advectum eunte. Sed dum ultro citro que navigatur, Caracaræ gens barbara Hispanis infensi, dissimilato odio ab Alvarado Corporis Christi arcem præfæcto auxilium contra alios Barbaros sibi dari doles postulavere. Alvaradus nihil doli subesse suspicans Ildefonso Figueroa duce quinquaginta Hispanos milites non illibenter concedit, qui ubi subiere nemusculum Caracarorum oppido adjacens, confessim à Barbaris unilequaque ex insidiis consurgentibus ad unum omnes occiduntur. Calente adhuc sanguine Barbari magno numero ad Corporis Christi arcem diminuto præsidio infirmam convolant, aditum multiplici ratione tentantes: actuunque erat de omnibus, n̄ summi Dei beneficio tunc temporis Ramuam hominem Flandrum rei nauticæ Præfectum calittora radere contigisset, qui suspicatus quod erat, è duabus navibus tormenta explodens multis occisis loco cedere coegit. Captivi Caracaræ narrabant pugnæ tempore supra Christi Corporis arcem hominis speciem abs se vim candidâ veste induiti, & fulgere oculos resplendentium perstringentis, enseque minitantis, & eo conspecto attonitos multos è popularibus suis cecidisse. Quæ res quia in diem Divi Blasii factum incidit, fæpè alias in Argentei fluminis expediti nibus Hispanis beneficio creditum est, objectam Barbaris cælestis hominis speciem, Divi Blasii fuisse, quem exinde Paraquaria coloni inter Tutelares repositum præcipuo honore colunt. Sub idem tempus Dominicus Irala per Paraquarium navigans pñè etiam Paiaguorum dolo perit: nam cum drepente quadrangenti circiter Paiaguæ in adverso littore constitissent, & per numerosos nuncios colloquium commerciumqæ eâ conditione experissent, ut utrimque positis armis negotiarentur: & Irala admisâ lege suos exarmari bona fide jussisse, Barbari ex improviso in exarmatos involavere, stragem facturi, n̄ Hispani resumptis armis ad defensionem se accinxissent. dum in littore pugnatur, naves Hispanorum ab aliis Barbaris obsidentur: diu terrâ fluviisque dubiâ fortuna certatum est; donec tormenta majora ex navibus explosa depresso Barbarorum navigiorum navalem viatoriam Hispanis fecere. Irala generositas cæteros in littore pugnantes ad fugam compulit. quadragiinta è nostris vulnerati, duo occisi, Catavaculus vir fortis intra triduum ex vulnere obiit. Ex hostibus dux & multi alii cecidere: reliqui ad locum, ubi eos ingens multitudo præstolabatur, fugere. Inter has res jam octavus mensis abierat, ex quo Iralam fatigabat Oiola mota, deliberabatque num adhuc eum præstolaretur, an se subduceret famis & hostium periculis; cum ex improviso audit vocem Barbari in adverso littore portitorum postulantis, qui ut advectus fuit, lachrimis obortis tristia se nunciare ostendit: iuslus expromere doloris causam, altum ingemicens, narrat se Oiola necis spectatorem fuisse. Inquisienti vero Irala rei gelta seriem, hæc fermè retulit. Joannes, inquit, Oiola, cui ego in itinere volens adhæsi, postquam Paraquario discessit, totam eam terræ molem, quæ inter hunc portum Peruviaque fines jacet, feliciter emenlus, à Samococis, & Sivococis Peruvia montium accolis grande auri argentiisque pondus contraxerat, retuleratque ad Paraquarium; sed reduci, Paiaguæ hominum atrocissimi, ad omne obsequium simulata promptitudine parati, operam & cibos liberaliter primum obtulerunt, donec crederent eum, & ejus socios tutò opprimi posse: obser vatis itaque Hispanorum nocturnis stationibus, gentis primores singulis occidendi

CAPUT  
IX.  
G. Ira sub  
Joanne Oio  
la proprie  
tore usque  
ad eius ne  
cem.

Irala Oiola  
substituuntur.

Arx ad Pa  
raquarium  
ponitur.

Caracara  
rum dolo.

Figueros &  
commilito  
num cedat.

Simone Rau  
mua oppor  
tunum auxi  
lium.

Divus Bla  
sii Hispani  
faret.

Paiaguari  
perfidia.

Paiaguari  
cunatur.

Joannes Oi  
la cum sociis  
trucidatur.

plures

plures assignant, incubiāque nocte uno codēmque temporis momento sōpitos adoriantur jugulantque. Ex omnibus Oiola unus nescio quo casu effugerat, vicinæ paludis cannabis se abdens, unde retractus evitare mortis moram supplicii atrocitate luit, in pagi foro inter insanos Paiaguarum tumultus immaniter trucidatus: sic nullus Hispani sanguinis cladi superfuit. Me verò juvit fuisse Indum: hoc titulo manus cruentas evasi, reservatus, ut tantæ crudelitatis vobis essem nuncius. Ex his casib⁹ Hispani didicere quam non fidendum Barbaris: nam sua est quandoque stupidis astutia, cō periculosior, quō inexpectata magis. posteri lacum ad quem se abditum Oiola confugerat, constante adhuc memoriam, Oiolanum appellavere.

## Lacus Oiolanus.

## CAPUT X.

Dominicus Irala in Pr̄toreto elēctus deserto Boni-aeris caſtro de fundandā Paraquarii metropoli agitat.

Caroli Quinti Cæſaris Diploma.

Irala dotes.

Pars censet colonias novas duci debere.

Pars negat.

Navis Genuenſis.

Genuenſis Hispanis accedit.

Census Hispanorum.

**S**UBLATO Oiola, Dominicus Irala iusso absolutus, secundo flumine commilitones ad novam Assumptæ Virginis arcem deducit, quo cū concurrissent comitiorum ergo Hispani undequaque evocati, examinato Caroli Quinti Cæſaris diplomate recens ex Europâ cum novis subſidiis & pauculis ſacerdotibus per Anthonium Cabreram Regium adminiſtrum adveſto; quo Argentei fluminis & Paraquarii colonis potefas fiebat eligendi Pr̄toris, ſi ſuccellorem Pr̄tor moriens non legiſſet; omnium Hispanorum conſenſu Dominicus Irala præfecturam iniit. Nec impar oneri ferendo fuit, nam præter generis claritudinem multæ cum civiles militaresque dotes exornabant; adeo ut fundatæ novæ provinciæ p̄cipuum decus tulerit. Nondum ſolutis electionis comitiis, novus Pr̄tor rogarat, num placaret Boni-aeris arcem peste & fame afflītam tantisper deferi, & conſtructā, in quo erant, Paraquarii littore, novā urbe, Hispanos omnes in unum cogi, quō adunatis viribus fortiores eſſent. Pars suffragatorum censuit non tantum Boni-aeris arcem retinendam, ſed etiam multas alias colonias ſimul inſtituendas, ut longè latēque Hispanum imperium pervaderet. Indignum eſſe ad terræ angulum in tantâ vaſtitate terrarum tot generofos viros arctari: eam videri Cæſaris mentem, volentis præcludere Peruviæ aditum alii nationibus facile ſe in eam inſinuāturis, niſi vaſtissimorum fluviorum littora multis oppidis complectentur; nec obſtare paucitatem Hispanorum multitudini Barbarorum coercendæ ſufficientium. Sic ferme exiſtabant ii, qui ambitu præfecturas multiplicari amabant. Pars vero ſanior, privatis honestamentis publicum bonum præferens, aiebat experimentis compertum fortitudinem prudentiamque Hispanis in eſſe, ſed Barbaris tuorem, fraudulentiamque non deſceſſe: Ramonis, Laræ, Mendoçæ, Figueroæ & Oiolæ recentia lugubriaque adieſſe exempla, quibus infirmari poſſint paucorum ſententia, volentium ad multiplicatatem præfecturarum gentem diſpaliari diſjungique. Pr̄tor, ut erat apprimè prudens, ita utrorumque opinione moderatus eſt, ut in utramque partem inclinare putaretur. Nam aiebat optabile quidem eſſe multis præſidiis immenſitatem terrarum comprehendere, ſed perpenſo præſentium rerum ſtatu commodum non videri. Nec aliter viſum iri Cæſari, ſi præſens ad eſſet. Differri itaque tantisper multiplicatatem oppidorum, non improbari. In fundandâ novâ republi- cā caput prius firmandum, quāc cætera membra. Quare placere ſibi arcem Boni-aeris pro tempore deferi, & urbem ad Paraquarii littus, in quo erant loco, condi; quā bene ſtabilitā non diſſicilē fore colonias propagare, & contra Barbarorum externorumque iuſtus munire. Capto condendæ urbis confilio, Didacus Abreus ad portum Boni-aeris cum tribus navibus missus, ut milites inde advehheret, reperit auētos adventu Genuensis navis, quā fruſtra tentato Magellanico freto, eō ſuper fortuito appulerat, malueratque in Argentei fluminis colonorum album referri, quāc ſe denuo incogniti maris periculis committere: quamobrem portidores, & nautes omnes cum Boni-aeris præſidiariis navigantes ad Paraquarium perrexere: unde factum, ut in hanc Americae partem Trochorum, Aquinatium, Rizorumque familiæ propagarentur. Adunatis colonis Irala Pr̄tor censum habuit: & quod mireris ex tot Europæ tantillo tempore vix ſexcenta virorum capita ſuperelle reperta ſunt: reliquis bello, fame, peste, & atrocitate Barbarorum miferum in moduro consumptis. Ut ſcias quantis damnis opes irritamenta malorum quæran- tur.

CAPUT